



Tughiqtaujuut Ihuaqhaidjutikhat haffumunga Havautiliqinikkut Maligaq Apirhuutigijauraanginnaqtun

Huuq nutaanguqtiqhimajut tukhiqtauliqtut haffumunga *Havautiliqinun Maligaq?*

Tamna Havautiqarvik Maligaq ihivriutuqtauliqtuq naunaijaijaangat allanguqtirutikharnik havautiliqijunik atuqtakharnik. Tamna tukhiqtauhimajuq nuutaanguqtiqhimajut ilaujut angiklijumirutikharnik havautiliqijunik ikajuutikharnik havakhimaaqtakharnik, nuutaanguqtiqhimajut anullautikharnik hanaqidjutikharnik, atuqujaangatlu anginirmik munagidjutikharnik atuqtakharnik. Hapkuat ihuarhainiq akhuurutaujut pihimagiami kajumikninnga hivunikharnik unalu aulajaangat munarhitkunnit pivallianiq tamainni Kaanatami.

Hunat kikliqarnigit tadja *Havautiliqinirmun Maligaq piqaqat?*

Tamna aulajuq Maligaq utuqangajuq, kiklivikhangit havautiliqijunik ikajuutikharnik aulavikhangit aulangitunlu havautiliqijunik auladjutikharnik havalimaitunlu havautiliqijunik. Piqalluangitturlu ihuaqtumik atuqtakharnik nalvaaqtauhimajut aallanik avikturviani. Hapkua kikliqaqtut nutqaqtitugit havautiliqijit ikajuutait aanniaqtailinirmun munaridjutit, ukualuat unghiktuni najugaingit Nunavunmi.

Hunat tikhahuagutait ihuaqhaqtauhimajut *Havautiliqinikkut Maligaq?*

Tamna nuutaanguqtiqhimajut aulahimajut angiklijumirutikharnik atuqtakharnik havautiliqijunik taima pijaangat naunaijaijaangat havautikharnik, munagijaangat kapuutikharnik, munagijaangatlu havautikharnik. Aallan'nguqtiqirniit ilitarivaktaillu havautiliqidjutikkut havaktiit', pipkaivaktun ikajuqlugin amigaitqijaujunik havautinik tuniurhaiviingit pipkainikkullu havautinik turaanganikkut munarhiliqinikkut havagutinik. Ihuaqhijuumiqlugit qanuginiit uqariijautit uvalu ikajuutit nutaanik imaatun telepharmacytikut ilaujut.

Qanuqtut Nunavunmi havautiliqijit' havaangit aadjilkutagivaktait tahapkununga aalanun Kanatami nunanun?

Canadian Pharmacists Association-kut naunaiqhivaktut aallatqiiktunik kivgaqtuidjutikhanik havautiliqijit angirutiqaqhimajut tunijaangat avatingni nunalaaptingni. Havautiliqijit Kanatami uqautigiluaqtait munarilluaqtangit, Nunavunmi piqaqtuq mikitqiamik anginirmik. Tukhiqtauhimajut nuutaanguqtiqhimajut avaliqangitumik piqaqtuq, nalaumajuq Nunavutim havautiliqijunik atuqtakharnik talvani

nunaqjuaptingni atuqtakharnik.

Qanuq tukhiqtauhimajut maligakhangit naunairutiqaqhimajut havaktaikharnik havautiliqijunik havaktinun?

Havautiliqijit takuniaqtait inmi havaangit ilitagijaujut uvalu maligaqaqtut ataani ihuaqhaqtauhimajut Maligat, pipkaiblulik ilaulutik aaniaqtunun munaqhijutinun havauhiit, imaatun havautikhanik tuniuqhainikkut. Tadjja, ilitaridjutiqaqgituq Nunavunmi.

Qanuq tukhiqtauhimajut malikhautikhaq atuquniaqtun nuutaanguqtiqhimajunik qaritaujaliqidjutikharnik tiguarnikkut havautiliqijunik atuqtakharnik?

Tamna tukhiqtauhimajut malikhautikhaq ikajuutiginiaqtun nuutaanguqtiqhimajunik taima pijaangat ilaujukharnik qaritaujaliqidjutikharnik inuuhirinikkut ihuaqhaidjutikharnik, taimaitunik qaritaujakkut havautikhangit unalu havautiliqijunik, taima ihuaqhaidjutikharnik pidjutikharnik havautiliqijunik ikajuutikharnik, talvani avaliqangitunik nunalaani.

Huuq tukhiqtauhimajut allanguqtiqhimajut atingit: tamna *Havautiliqijunik Maligaq talvunga Havautiliqijunik Ajuittiagiikhimajunik Maligaq*

Atingit allanguqtiqhimajut Havautiliqijunik Ajuittiagiikhimajut Maligaq naunairutiqarniaqtuq maligakharnik ihumagijauluaqtainik, malikhautikhanik havautiliqijunik' havautiliqijuniklu havakhimaaqtunik havaktakhangit atuqtakharniklu, taima aulajuq atingit aulangitun talvani Maligaq iluaniitunik.

Qanuq havautiliqinikkut atuqtauvakpa Kanatami aulahimaaqtuq, huuqlu Nunavunmi angunianganik?

Avatingni Kanatami, havautiliqinikkut atuqtakharnik angiklijumiqhimajut, havautiliqijunik tunihimaaqtun anginirmik allatqiinik ikajuutikharnik. Nunavut pijumajangit nutaanguqtiriangani maligangit aadjiliuriangani tahapkuat kanatamit puqtuhinahuaqtangit, pipkarlugillu havautiliqijit ikajuriangani tamaat aanniartut munarijangit unalu turaarvigilugillu ajurnangittut aanniaqtailinirnut ajungnautigijaingit iluani nunallaanmi.

Huuq ihuiguuutit uvalu huaktuinikkut ilaujut haffumunga Maligamun pijakhaqaqtuq ihuaqhaqtauhimajuni?

Ihuighuktut uvalu huaktuinikkut iluaniitut uvani tadjamin Maligaqmi utuqangajut. Pidjutiqangitut nutaanik ihuiguuutinik ihuaqhaidjutinik, nagliguhungitunlu inungnun atugakhainun.

Nutaanguqtiqhimajut ihuiguuutit uvalu huaktuinikkut havauhiit ihumaliungniaqtut ahiagut ihuiguuutikkut havauhiit humi ihuighuktuq, ajuittiarnikkut, uvalu katimapkaijuq havaqatigiirniaqtut uvalu ihuaqhaijaanganiklu. Ihuatqiamik atuqlugit

iluaniitut ihumagijauniaqtut pidjutigilugit tamaita qanuginiit uvalu pijaarningit inum ihuaqtut aktilaangit atungnirit, ilaujut kihimi kikliqangitut niamnginaqtumik qujaginaq ihumakkut, iqaijangnikkut, ihumakkut, ihumalukkullu qanuriniit, uvaluuniin piomainarnirmun taangangit aangajaangnaqtunikuuniin, tapkua ihuirutijut inmi pijaangnirmun atungnirit.

Qanuq aturiamni nutaanguqtirnit nalaumavat kavamanit piimaluaqtainik?

Tamna nuutaanguqtiqhimajut ikajuutiginiaqtun kavamangit hanaqidjutikhangit munarhiliqidjutikharnik hivutunikharnik, aanniaqtunik-pihimajunik munagidjutikharnik, aadjikiiktumiklu pidjutikharnik munarhiliqidjutikharnik ikajuutikharnik.

Hunauvat qanuriniit niriuktaujut nutaanguqtiqhimajumi *Havautiliqjunik Maligaq?*

Niriuktaujut qanuginiit ilaujut ihuaqhijuumiqlugit aaniaqtut qajangnautait, nakuutqiamik havautinik pijaangini, ikilijuumiqlugit havautit, uvalu ihuaqhijuumiqlugit ilauqatigiikniq aalanun aviktungniinun. Aanniaqtut ikajuqtauniaqtut havautikhanik munaqidjutikhanik, munaqhitkut aturniaqtut nakuutqijamik ikajuutikhanik havaqatigiigutikhaniklu havautiqarvingnit ajuiqhattiaqhimajut.

Qanuq Nunavunmiun uvalu aalat tigumidjutiqaqtut tunihiniaqqat ihuaqhaidjutikhanun havauhianun?

Tigumidjutiqaqtun ilauttaaqut inungnut uqaqatigiiknirmut, tunigiami qanuqtut ihumagijamiknik uqaqatigiiknirmut titiqqamut, havaqatigiiklutiklu kavamatkunnut ilitarigiami ihuarhaidjutikhangit nakuutqiamiklu atuqtamiknik.

Qanuq ajuirjumigiaqaqtunga ukuninga allanguqtiqhimajunik?

Naunaiqhittiarumaguvit, takulugu Nunavunmi Havagviat Aanniaqtailinikkut qaritaujakkuurutaani uvani www.gov.nu.ca/health. Uqarviginarniaqtatin Havagviangit uvani NU.Pharmacyact@gov.nu.ca naunairutikharnik atuqtakharnik. Nutaanik nuutaanguqtiqhimajutlu ilitturipkaidjutiniklu iliuraqtauvaktun kavamatkunni inungnun tuhaumapkaidjutinin talvanilu tuhaumapkaidjutikkut. Tigumidjutiqaqtun akhuuqujaujut ilaugiamikni katimaniqmi, qaritaujakkut pulaarvingani, unalu inungnut uqaqatigiikniq akhuraaluk ihumagijanganik.